

ZRV
3235




LEZOCO
PEREGRINACIOCO

CANTAC

TOLOSAN

P. Gurruchagaren Alargun eta
Semeen moldizteguian.
1900.^{en} urtean.



IN ANNO DOMINI MDCCLXXII
DIE VIGILIAE PASCHAE
MDCCLXXII

M- 8791

R- 36322

ATV

18.964

†

*1900.^{co} Urriaren 14.^{an} San Francisco-
coren Irugarren Ordenac Lezora
eguingo duan peregrinacioan
cantatzeco zortzicoac.*

CANTATZALLEAI OARQUERA.

Iru musica modutan cantatuco dira jarraitzen duten zortzicoac. Asiereta-
co zortzico luzecheagoac erri guziac
buruz errez icasi ta cantatzeco musi-
ca eder bat dute.

Zortzico mochagoac dauzcate bi
musica modu: bata, boz batean erriac
canta dezaqueana: bestea, iru bozetan
cantatu bear dana. Musica daquiten
batzuei emango zaizte paperac; eta
peregrinacioan, nasteric izan eztedin,
contuz auei icasi ta jarraitu bear zaye
cantuan.

†

ECHETIC LEZORACOAN.

*San Franciscoren seme alabac,
Gueron banderac artuta,
Batzuec trenez besteac oñez*

*Goacen Lezora presaca;
Guizaldi onec eman baño len
Bere azquenengo asnasa,
Jarri dezagun, ongui il dedin,
Gurutzeari laztanca.*

1.

Orden Irugarrenge
Anai ta arrebac,
Naiz izan Bizcaitarrac
Orobat Naparrac,
Guipuzcotarraquin
Gaur Lezora jaunac,
Lezora gaur Lezora
Lezora Euscaldunac.

San Franciscoren seme etc.

2.

San Franciscoren Orden
Irugarrengea,
Banderac jasorican,
Lezora dijoa,
Benaz adoratzera
Cristo Lezocoa,
Franciscotarren Aita

Chit biotzeco.

San Franciscoren seme etc.

3.

Goacén bada Lezora,
Goazen arin goazen,
Agur ona eguitera
Jesusi len bait len;
Biotz eta besoac
Dizquigu zabaltzen,
Laztandutzera bera
Laiſter joan gaitecen.

4.

Biotz chit garbi eta
Amorosoquin
Anchen bildu gaitean
Danoc alcarrequin;
Gucioc laztanduric
Jesus onarequin
Biurtzeco echera
Bere graciaquin.



LEZON, GURUTZE SANTUAREN
AURREAN CANTATZECO.

*Anai arrebac auspezturican
Gurutze onen oñetan,
Gure beguiac ondo bustiric
Negar malco samiñetan;
Barcacioa escatzen gatoz
Umilqui eta benetan,
Ceren ofensa eguin diogun
Asco guizaldi onetan.*

1.

*Jarriric jotzeraño
Lurra copetaquin
Emen gauzcatzu Cristo
Biotz umillaquin;
Naparroa, Bizcaia
Guipuzcoarequin
Paqueac eguin nairic
Gaurcoan zurequin.*

Anai arrebac etc.

2.

Emen ziñen aditu
Millaca euscalduni:
Guri aditu gabe,
Gaurcoan ez utzi;
Bada gatoz zugana,
Fedean firmequi
Infernutar danai
Emanic arpegui.

Anai arrebac etc.

3.

Guizaldi au elduric
Bere azquenera,
Gatozquitzu bai Jesus
Barca escatzera;
Cergatic beguiratzen
Badegu atzera,
Gaiztoa izan dala
Gatoz aitortzera.

Anai arrebac etc.

4.

Libertade gaiztoac
Duala ichutu

Luciferren bandera
Aguitz du jarraitu;
Eta zurea berriz
Dana porrocatu;
Orregatican Jesus
Gaurcoan barcatu.

Anai arrebac etc.

5.

Gurutze Lezocoa,
Diogu benetan,
Piztu zazu fedea
Euscal biotzetan,
Aguinduric bezela
Bataio egunetan
Nai degu jarraitzea
Zure banderetan.

Anai arrebac etc.

6.

Agur bada mundua
Bere pomparequin,
Agur baita araguaia
Lizunqueriaquin,
Eta agur deabrua

Bere losenchaquin,
Agur gaiztaqueriac
Pecatu danaquin.

Anai arrebac etc.

7.

Betor Jauna Fedea,
Betor birtutea,
Iristeco etzaiac
Oso garaitzea;
Aita San Franciscori
Zuzen jarraitzea,
Euquiaz banderatzat
Zure gurutzea.

Anai arrebac etc.

8.

Gurutze santuari
Gure escaria
Izango da, desequin
Dezala erejia:
Aita Santua Erroman
Libre icusia,
Erlijio santua
Danen nagusia.

Anai arrebac etc.

9.

Umildu ditezela
Arroac lenena,
Laztandu dezatela
Biotz Jesusena:
Ogueigarren guizaldi
Orain datorrena
Gucia izan bedi
Jaungoicoarena.

Anai arrebac etc.

†

GURUTZE SANTUARI AGURRA.

*Zure aurretic bagoaz Cristo
Echera ;pena batequin!,
Cergatic guc nai genduque egon
;Beti ta beti Zurequin!
Zure erruquia izan dedilla
Gu eta echecoaquin,
Orrela danoc goza dezagun
;;Beti zeruan Zurequin!!*

1.

Agur Gurutze Santu,
Agur chit laztana,
Euskalen oneraco
Lezora ciñana;
Zugandic aldentzean
Izan arren pena;
Joan bearra daucagu.
Agur bada Jauna.

Zure aurretic etc.

2.

Itza ematen dizugu
Gaur zure oñetan,
Zure alde izango
Guerala guerretan,
Zureac bear degu
Guc izan benetan,
Naita bicia bera
Galdu ataquetan.

Zure aurretic etc.

3.

Ezautu ondorean
Gurutze orretan,

Gugatic il zinaia
Pena gogorretan;
Maite bear zaitugu
Itz eta obretan,
Odolic degun arte
Gueren biotzetan.

Zure aurretik etc.

4.

Aguertuco dizute
Beti gure lanac,
Guerala Franciscotar
Cordoidun leialac,
Guerala Catolico
Cristau fededunac,
Gorpuz eta animaz
Beti euscaldunac.

Zure aurretik etc.

†
GURUTZE SANTUAREN AURETIC
JAIQUITZEAN, TA ECHERACOAN
CANTATZECO.

;Agur bada orain! agur eta agur!

¡Cristo gurutziltzatua!
Degu Zugandic aldendutzean
Biotza chit ¡samindua!
Artutzean bai Zure laguntzaz
Bidea echeracua,
¡Luza zuiguzu, bedeinca gaitzan
Zure escu miraritsua!

1.

Atzera cobardeac,
Bildurrac atzera,
Aita San Franciscoren
Banderac aurrera;
Bere seme alabac
Gu guzioc guera,
Goazen infernuari
Guerra ematera.

¡Agur bada orain! etc.

2.

Euscal errian bada
Oraindic fedea
Ain ugari biltzeco
Lezora gendea,
Francisco tarrac guera

Millaca taldea,
Arzobispoa degu
Bide eracuslea.

¡Agur bada orain! etc.

3.

¡Oh cembait Anai gueran!
Gaur Lezon urbildu,
Gustora baita bertan
Alcar ezagutu,
Biotzetican danoc
Gaitean amatu,
Aita Franciscoc gaitzan
Beti bedeincatu.

¡Agur bada orain! etc.

4.

¡Oh ceñ egun gozoa
Degun bai pasatu,
Funzio chit ederrac
Icusi ditugu,
Lezo biñitatu
Ez zagu damutu,
Maiz onera etortzea

Ojala baguendu.

¡Agur bada orain! etc.

4.

Baña bucatu zaigu
Gure erromeria,
Orain parti bearra
Degu mingarria
¡Agur! maite zaitugun
Lezoco erria
Agur or guerätzen da
Danon pozcarria.

¡Agur bada orain! etc.

5.

Jesus gurutzecoa
Degu biotzetan
Bera izan bedi beti
Gure echeetan;
Arquitzen gueranean
Azquen asnasetan
Berac sartu gaitzala
Danoc Ceruetan.

AMEN.



A...